

本館新聞除禮拜外日出一
紙 諸君賜閱本報者無論
本埠外埠均可函致本館取
閱如外埠閱報須加寄費不
也除日報照常刊送外復不
惜工本從英國採辦釘書裁
紙各機器以待與 各官商
刊印書籍單件並有英國各
體活字及各式花邊等延有
西人操印工藝其精所有中
西文字均能刊印並有石板
印字大小機器均用精工刷

第 一 千 七 百 六 十 九 號

報 叻

本館開辦源順街第廿五號門牌

印工精絕倫前延有文士書
寫各體文字現由上海購到
各種書籍出售其書目另行
刊佈所有各項價甚相宜再
本館所登來札原擇其有關
世道人心者附登否亦須無
礙於人而後始錄其有謬
成文以及支離難解者概不
登報嗣後 諸君來札尚祈
自諒更須寫實里而後敢
登但來稿登與不登均不能
將原稿收回也 本館謹白

丁亥八月廿五日

凡刊印告白第一日每字一仙第二日以下每字半仙 (大英一千八百八十七年十月十一號禮拜二) 凡刊印告白第一日每字一仙第二日以下每字半仙

本館佈告 ○啟者本館所刊來札須要書明姓字而後敢登業已列明報首上 諸君近
所寄到來函囑登本報多有諱其名姓彼詩文等類以筆墨為消遣者猶有可原乃有涉及時事者亦自諱
其名似此照例實不敢為之登報茲特再為詳告嗣後 諸君有來札囑登本報者務宜明示姓名始以
之列報或有不欲沽名特為諱去者當可另用外號以登報紙而所投本館之信亦須寫明名姓似此方合
體裁若但用外號是為匿名實有礙難登報也茲特佈告 閱者諒焉 本館謹啟

論叻地不乏人材

自中西通商之後西國之語言文字在所必需故華人每悉心學習然足時不為洋務起見將以通問答
僅用之於懋遷場上而已迨夫使命往來通誠致款其中之藉以將國命睦鄰封外不失人內不失己而能
修好戰怨者非洞達西國之文字語言何以於壇坫之中動中機竅故歷來之星使非深於西學者不能即
專使之大臣或有未悉而其隨員等則必洞達精熟方能充其選西學之不可忽如此故特設同文館以習
之並選聰俊之幼童出洋肄業舉凡西國之工藝學術無不窮探博考以底於成十餘年來漸有成效其區
太史所領之幼童三十餘名現有為隨員者有為管帶者其實效之著已卓有成功近來有志之士皆不敢
鄙西學為無用蓋歷見登仕版者多有以此為捷徑之階也然而 人狃於積習以文章詞賦為攬取功名
之資故率有用之才咸致力於舉子業蹉跎歲月智盡能索然後始為通人其理沒矣才者不知凡幾近風
氣頗轉留心時事之父兄已有命其子弟習西國之學者雖然通西文而不通華文則其用仍有未備故必
兼學始為全才而其力遂由此而分其心遂由此而雜矣故凡言西學者每謂華人必不如他籍之精豈知
人之心思以用而始出苟能悉心領會則雖兩用其力皆能並行不悖焉蓋華人之智得天最優同此用功
已有較他籍為尤易造者非特中國之內地惟然也即叻地海外而華人之俊秀亦不乏其人試觀前時叻
嶼甲三塾會考之時其首名則為華童林文慶此非以資緣得也又非以僥倖致之也蓋邇至英京以憑公
取則列前茅者已見實學況昂昂然為冠軍者乎又本坡大書塾考取誠筆倫聲之學此非深通西學觸類
旁通變化入神者不能窺測乃拔職者又為華童林元華即此可見華人之智慧心思非他籍之所能擬
且歷年大塾考試其一二名之選亦為華人居多不愈見賦性獨優華人之本於天者固厚也哉然而寒地
生材遠之較易助雖開闢數十載化區瘠而倡聲教漸臻於人傑地靈而樂育教化之方縱遜於軌物素明
之地乃能挺生英俊卓爾不羣可知天非以方隅限之賦畀較薄也倘有父兄之責者率其子弟入塾習讀
勿荒於嬉葆其性靈絕其外誘則匡勇引翼何難小子有造底於成材而無如為父兄者或狃於家貧為衣
食所拘疎於庭訓溺無力就塾而辜負美材 有之或家本素封而溺愛太甚不知義方之訓以姑息為慈
遂因督 不嚴以至日流於浮蕩可以有為之質竟至於無成非本人之不足有為也無以教之則良木變
為朽木耳蓋少年之性莫不好逸而惡勞耽嬉而懶學如不亟為拘束則必有舍正業而日就於乖僻者矣
故貧者限於力富者則失於不知教此寧馨馨之兒終不得為克家之子也誠可慨矣屢聞人言謂叻中
之華人其學英語較香港為尤正殆其入門之始傳授較真云若是則叻中之人才不特不遜於內地且恐
有出乎其類拔乎其萃者若誘翼有人則雖通都大邑之中其人才輩出諒不過如是倘能相引相救濟濟
然羣造其材而異日留有用之身為朝廷出力則可以策立大効非僅於通商之地作洋務之巨商已也其
父兄之有佳子弟者其加之意乎孔子曰十邑之室必有忠信蓋謂才之不以地限也彈丸之地且然而况
輪為南洋之通津旅處之華人其置有室家者如許其眾而謂凡百子弟俱無俊秀乎哉是在其本人尤在
其有父兄之責者

埃爾蘭事電音

廿二日英京來電報云埃爾蘭納勿隣省垣馬腰蘇里芬被國家控告一事
其傳票內開以是日為集訊之期屆期蘇里芬衣其公服并馬腰所獲得之儀仗以至府轅計有隨弁二名
一荷腰刀一則負金瓜鎗以隨其後此即馬腰應有之儀仗也迨至府堂該馬腰則坐而聽審而兩隨弁亦
照例坐於馬腰之後時府署中人欲喝止之而不可蓋其分有坐位也是日審訊畢以証據未甚顯然因命

七國電報 ○二十日土耳其都城發來電報云現在土廷已允俄廷所請派其大將瓦亞將軍隨土國大臣前往馬那以定馬之王位云電文如此至於各大國否有權則刻猶未得而知

定期開院 ○本坡博物院及其書樓等前以舊址狹窄未盡合宜故改建於陞旗山下經已定議於五月初八日蒞慶賀英皇登極之辰舉行開院之禮以工精未竣故改期近則業已告成故憲制府已定於西本月十二號即華本月廿六日下午五點鐘時命駕赴院以行開門之禮自後探奇索興又見生面重開矣

英郵船抵叻定期 ○刻接前途遞來信息言英國郵船名曼哥那已於廿日由高浪浪地方展輪來叻定於廿七日禮拜四即能抵叻上落客貨畢旋即開往香港上海等處矣茲特例報以聞


越南費銀 ○接越南遞來郵耗云西去年開越南東京之支費計共四十四兆七十七萬八千二百三十扶令而越地進款殊不敷支尚須由法京籌撥銀三十兆扶令始可敷用計越南地面是年所收烟酒賭當以及雜項稅餉僅得六百五十萬扶令之譜而人稅及土人之稅共計則僅得百五十萬扶令之譜耳以此兩項而計不過八百萬扶令之譜而不敷支用者尚有三千餘萬扶令之多而用款所以至如是之甚者蓋緣駐防越南陸軍一項則須軍費銀已至二千零四十二萬五千扶令之多而海軍之費又至一千零八十三萬之譜止此兩項已約三十兆然則非由法京賠墊夫又安能敷用哉夫法之所以圖取越南者初意視之甚重將欲作亞京之倚不意得越而後如石田不惟無所取盈日多賠累法人至此亦未嘗不自歎為失計但今已勢成騎虎欲罷不能不得已欲從而裁去廢費以節餉源然則越王裁俸之由亦非無故也噫越事如此法人之所恃者何哉

教習方言 ○中國所設廣方言館專選聰俊子弟在館學習各國方言以備他日勦辦中外交涉之務事最善也乃近閱法報有謂法國亦有方言館之設專教習東方各國土語如中國日本越南印度波斯土耳其俄羅斯等所有方言概行熟習蓋以備他日經商在外而於語言一事無不能通庶使便於應酬以免藉人通事也然則法人之志亦殊不小也去

殊駭聽聞 ○前上海報所載驚心動魄一則乃中國現創銀行一間與美國巨商米建威同建合股份銀一千萬員名為中美合夥以李傅相總其成其資本之雄其名目之大自有銀行已往無此規模中外皆知誠無他變矣乃近閱英京日報內有云現接駐紐約探訪人來信謂李傅相所與合夥之米建威原是天壤間之大驅徒其機警之深原非尋常棍徒所得望其肩背有胆有識入化出神考其生平則已獲罪而在黑獄中者業三二次矣蓋該報之探訪人曾閱美國一書名為隱事記內紀米建威曾於前時遊美國自稱為俄國某大臣之後向有世襲未替者其隨從之衆其衣飾之美其飲食之奢與及室中之鋪陳出入之車馬煊赫華麗非富貴王孫無此氣象也故美國之顯宦富商皆與之來往酒食徵逐訂密交焉而米能揮霍自如未嘗或竭一日為某紳招飲赴約者盡富家之家內有女客一名蓋巨室之閨秀也指穿鑽石約指一枚其光如電其價值當以千計米盜心陡起乃偽為賞鑒女客慨然與之閱畢復歸原主則已易以贖物矣至其作偽之術則或由其平日心已默識依樣為之預藏於懷至是相易或由其當日頂換俱未得而詳追至事發女客控而捕之遂捉將官裏去監禁於囹圄之中而其局始敗後託有力者言於美廷謂米為將門之後隨練戎行懇赦其辜俾投軍効力俟有勞動以為贖罪之費由是始免監禁之苦此其初次被監之由也其二三次則該報未詳米遂一去無踪寂然無聞者十載後聞其在美之暗馬土地方其姓名則如故與該處一富人家相善願以終身事之而女之父母頗知米非善士不願以東床寢之焉不料女已堅志不移父母不能強乃終如其願但恥稱姻姻幾等卓氏之不齒於長卿米乃擊女遊於舊金山以圖機會奈所如不合漫無所歸遂再往歐洲而資用已絕蓋女之資已耗費殆竭也是時女已為之生育男女七口竟以貧故亦厭而棄之女不能堪乃復尋其父母為大歸焉米自婦去後即以賭為生至其何故而舍歐洲至中國則未得而悉此米平生之梗概也該報所錄如是倘非子虛則米非正人已可想而見况望其為素有聲望之殷實富商乎哉夫以傅相為臺閣樞臣而下充商務已較安石商鞅等輩更遜一籌乃所與共事者為刑餘之子不於事機有壞即於國體有傷且恐創建銀行變作虎頭蛇尾也何漫無耳目一至於此哉

疎虞誤事 ○閱世之道貴於持慎固已夫人得而知矣然持慎二字有非易言即一物之小一事之微亦須隨在留心始無所患否則於最細最微之事亦足釀最重最火之端觀歐洲日報所言珠足令人惕然戒懼矣其報有云年來歐洲所製之小車以一人推之可以馳驟來往車飾甚佳蓋用以爲小孩所坐者蓋以其孩抱入則常鬱其生氣究不如令坐車中推挽遊藉以擴其天綫也然則此種小車固可謂最爲美善乃不意竟有因此而誤大事者歐洲某地方有富人子父母愛若掌珠生僅四五月之閱而體素強壯其父母乃購一小車命僕人護之乘坐一日歸時則竟暴吐如注手足抽搦面色陡變父母驚懼不知何故乃急延西醫診視據稱係因中毒所致然受毒已深救治無及遂致殞天其父母痛子情深欲究其受毒之由因問僕僕等兒曾至何處會食何物均言無之故終不明受毒之因嗣乃忽悟車前橫繫之皮條其染料中係有砒礪而皮條爲兒扶手之物大抵嬰兒無知而誤賦之遂中其毒以至於死也觀此一端則世之誤事者往往有忽於人情以外則人固可以不加謹慎歟


蜜酒出



啟者本行由歐洲辦到上等密酒
來叻發售其酒甚佳茲將標頭印出
諸君光顧祈為細認免致有誤倘
有無恥之徒假冒本行鎖匙標者本
行定必嚴為控究再此酒不能販往
加勝吧 三寶壟 泗里末
望加錫 檳榔嶼 日理等處其
他各埠均能運往謹此佈聞
一千八百八十六年十一月十
號 明嗎也洋行謹啟




白告司公堅士亞活侯



啟者本公司向來開設本坡久為中西商翁所賞識茲承英京汝末公司之命託本公司為該公司駐叻代售
機器之人本公司既受所託不得不代為力肩鉅任將該公司辦事之誠製造之美以及貨物之珍並舉以告海
內 諸商翁知悉緣該公司向來開辦英京歷久無異素為英國人所賞識不特為英國人所賞識又為鄰國人
所賞不特為鄰國人所賞識兼且為天下各國人所賞識蓋因該公司立心持平交遊盡善物料既美製作復精
所以能邀美譽於本國鄰國及天下各國者皆為此也現計該公司所製造之機器甚多筆墨難以盡述更僕不
可備數非親至該公司目擊斷不能備詳所見茲不過略舉其大概言之亦存什一於千百中之意耳至該公司
現經運到本公司存貯代售其中件數堆積如山即不可枚舉茲因篇幅太狹不能盡錄以備 諸商翁覽
擇其要而通行者略登報端以為 諸君採擇焉如水厚水筒皮帶等其價較別家稍為相宜而貨亦視別家為
特妙請 諸君移玉到本公司一觀真有所聞未盡所見之概不啻遊山陰道中令人接應不暇矣至於本公司
又有製造做大薯之機器以及水厚等各機器亦是名目太多不能備列謹此奉告尚祈資然賜顧為慰 再本
廠現遷至工部局貨倉左鄰 諸君光臨請移玉趾是荷
大英一千八百八十七年三月一號
侯活亞士堅公司謹啟

代中西士商修辦各種損壞機器工價格外公道如有 貴客賜顧者請至本
廠面議特此佈聞 西一千八百八十一年十二月廿六號 總來安公司啟

機 爐



啟者本公司製造各種機器月地才多現多有新造一切
巧機器火礮火礮放大礮流之器具及大小輪船汽機鍋爐並各樣新式鋼鐵
器皿一應俱全無不堅固耐久應便合用諸大甲地方本公司開設有分廠並

司公險保限有國眾外中

啟者本公司總局設在香港多年備
有資本銀二百萬元已先收股份人
來銀六十萬元及餘存銀六十萬元
在叻係本行代理承保各商貨物
船隻運往來往各埠其保費極用
照例所有花紅之銀俟結賬之後按
股分派前一千八百七十八年
一千八百八十年每股得利息銀計五
八仙又一千八百八十年至一千八
百八十二年每股得利息銀計一八
仙諸君欲知詳細請至本行相商
可也 大清光緒九年 月 日
英一千八百八十三年八月廿七號
毛質德公司謹啟

啟者現本
新由上海
到石印
各書多約計
百餘種茲以
廉價發售諸
君欲採辦者
祈到本館選
購是荷至其
書目太繁不
能備列
另出單
至本館可也
本館謹啟

本館告白 ○敬啟者本館自開設以來辱承各外埠 諸君子不棄時有所投成一紙書傳奇異來告或半寸緘至報籍分送如蒙 諸君子之雅愛亦本館主之所樂聞也但是交到魚書多有未經貼用膏信館之印單者竊查信館定章凡郵寄之物件若未先買印單貼於 信到之日則照常寄費雙倍以故本館於此一項賠墊日多故不能不據情佈聞敢求茲後凡有惠寄本館之信務祈買單貼發自此以 印貼之單信則本館一概不收不拆希勿以方命見責是幸預為佈告即請 文安不宣 本館告白



No. 1234.

英國新出頂上花露水出售 ○啟者本公司所製之花露水及高浪水最為佳製其香之清而且久非尋常 可及素已馳譽歐洲用此水者莫不噴噴稱頌為妙品歷經荷領寶星七次以獎其佳然則其妙處可知矣 為通流故特佈告倘 諸君有欲採辦者祈請函致本公司取討價單便知一切特此佈 聞 大英一千八百八十七年四月二十五號 加刺安巴馬厘公司謹啟

印度大藥房告白 ○啟者本藥房自去年開張以來多蒙坡中諸君賜顧故現在親自向歐洲督辦頂上真料各種藥材不時預便 甚相宜無論男女婦老幼病症輕重如要醫治請為到館示知便即登門看症分別發藥手到回春每日開門自晨早七點鐘至晚十點鐘為準 諸君有就教者請 移玉至小坡大馬路實得力馬房對面第七十五號門牌詢問便得併此佈 聞 大英一千八百八十七年八月十八號 西醫羅實葛謹啟

三寶龍洋面火燭保險公司告白 ○保險公司之設愈出愈多競爭長均無不謂己之公司為盡善盡美總之各有長處惟其價之 廉者始為有益於投保諸人茲本行已承三寶龍洋面火燭保險公司之命 為駐叻代理人以代保一切洋面以及火燭平安保險所有保 無不格外從廉為自來所未有其二號保險係由叻寄貨往港者照常保費更現扣廿八仙外并增扣廿八仙然則其價之廉較諸別家勝之 什遠倘 諸君有惠顧者請移 玉至本行面議而本行寫字樓係在墊邦路頭南生及豐興兩店之中茲並錄明此佈 大英一千八百八十七年八月十六號 代理人福蘭洋行謹啟

還金義重 ○初八日余以專至源順街長源號店前坐談不覺有鈔紙一百元遺於地上須臾余既出門去此銀紙遂為同寓助報車 工伴林媽讀及蔡水二人於無意拾之乃二君檢此多金知係他人所遺先已遍問助報館及長源號諸人均無失資嗣余尋至二君乃慨出 還還余并知少欠余謝以資弗受因深感其高義竊思林蔡二君不過助報館之工人耳月中所入不過數元之資乃亦見利不貪求諸士君子 亦難多遺乃不意竟見之於二君也似此高義世罕逢感激之私無從圖報因錄數語附於報中藉以表揚感德云 大英一千八百八十七年九月廿六號 小坡吉靈人毛含密實謹頌

美國峇打妙厘號新欵時鏢出售

敬啟者本行由歐洲辦到峇打妙厘號之新式奇巧時表來叻發售其鏢之巧妙實不可階約而計之其妙有五蓋其針行甚準無論位之動 靜時之寒暑均無不驗所行晷度累黍無差且閱一月之久而亦不舛分秒之時一利也且其鏢之行不惟甚準而堪令人憑信不致矚目生猜 二利也又其鏢機輪甚佳且殊堅固最堪耐久即便平湮代遠亦無廢壞之虞三利也至其鏢製其精不惟適用而且美觀令人見之愛不釋手 四利也矧其價復甚廉較之他表殊為省費五利也由此五利則誠非尋常可及且買此表者可保其用一年無須修理且一年之後即須修理 亦無庸照其時價若他表須二元始能修理者而此表則不過僅六角之資即能修復甚且無須六角蓋其機器係為新創其製造之法甚且請 易於拆脩故也此表在美國係用機器製造計每日可成表二千枚故其料美價廉誠非他家可及而峇打妙厘復製有表鍊甚多各欵俱備且 其欵最新其工最巧較諸近來行用者又勝一籌矧其價復甚廉每鍊價銀僅由六角至二元至其表鍊黃者如金白者如銀令人觀之無從辨 其真贗倘諸君有欲購買者請至本坡各洋雜貨店中相問如該貨未備則請至本行面商本行坐落土庫後街匯豐銀行之鄰 諸君為臨疑 移 玉趾至於本坡則惟本行代理並無別家前此佈聞 諸惟惠鑒 大英一千八百八十七年六月十五號 大清光緒十三年閏四月二十四日 莫實得洋行謹啟

Charles Heidsieck's White Seal Champagne
三品酒出售 ○啟者本行督辦歐洲馳名三品洋酒來叻發售其酒係白頭欵式發售有年沽飲 諸君莫 不稱其香美奈近有無恥之徒假冒本庄三品酒欵式以圖魚目混珠殊深可恨嗣後 諸君沽買本行白頭 三品酒者請細認本號招牌之內有小紙包頭註華字新 號為明也公司者始佳若無此字樣即為偽冒 請為細認特此佈 聞 大英一千八百八十五年十月廿九號 明嗎也公司謹啟

備銀挖洞 ○外洋新聞紙云美國現擬預備英金二千萬磅欲在地中挖一洞必須深窮其底工程浩大聞列陣圖兵弁等均須調用相助為理此實聞所未聞之舉也

西陲塗說 ○天津西報言頃聞駐華之俄星使接得本國電報謂新疆之塔爾巴哈臺近有兵變戕官之事蒙古部落竟被殺傷甚重云云電音簡略其詳不可得聞也

閩中勝會 ○福州瀾波林立供奉趙史劉鍾張盧神俗呼為五帝每年秋夏之交閩人必製造綠舟擇日昇請神像遊巡城廂內外謂之出海其意以為一切瘟疫均載以出洋也現各處瀾波均已出海有黃山瀾在撫院衙門左側本年該會董等與高采烈上月廿六日奉神出巡城廂內外趙史劉鍾張各瘟神叙次而行各神皆有董事各董極力倡捐互相比賽約際費四千餘金一切器具悉臻美麗洵為城垣各瀾首屈一指是日也都中人士如山海在分岐大路站看好事婦女亦逐羣結隊借人家門口作垂簾之觀但見金鼓喧天絲竹管絃聯絡不絕并有臺江少妓善唱工彈粉粧故事跨馬而行計馬十餘匹裝紗粉一艘實生且其中唱西湖之曲難以男耕女織各臺閣新巧無比少年子弟自六七歲迄十二三歲教之襟腔小調俗呼為水手近日無賴輩以游西湖不甚新鮮重演打櫻桃新曲少年扮粧生旦丑站立諸壯漢肩上面俗迎會每遇歌童詞妓必燃燭迎迓彼應暫停片刻一唱而去壯漢東旋西轉如演戲一班少年在肩上歌聲嬌婉手舞足蹈曲盡淫冶之態喜事之徒從而尾者不下百數十人一路爭相喝采最可異者某童年約十二三歲立壯漢肩上更有六七齡之子以脚踏於某童肩上面戲星模樣高與鷹齊無懼色壯漢自在遊行其旁圍集多人預防跌落皆以手作捧接狀該會於傍晚晉城甫抵南關有某武員令其跟了每水手歌妓前來燃燭以接若輩見是官長分外獻媚作種種醜狀閩人士見之有目笑而去云

龜鱉 ○原夫龜之為物也文成八卦瑞啟河圖位列四靈名標戴禮十朋見于義易六寶掌自周官雖曰曳尾之公實為甲蟲之長然而其類至繁其名不一近有溫州人某甲買龜於禾行篋中携有新書內貯大龜二隻俱異常一身正白色白如玉稍帶紅潤一身圓而背隆首銳而尾寬腹下一縫劃然中分時作翕張勢甲曰此是蛇龜也鱉則鋒利如刃凡遇惡蛇龜能張而寸截之其白者即名白龜鱉之能禦火災繼又出一直口磁瓶滿泛水草中一小龜大不盈寸遊戲其上色純綠遍體生毛青葱可愛蓋即綠毛龜也是龜生長溪沼間失水即死故以水草養之祇供玩好而已據稱綠毛龜二龜雖不常見而求之猶易惟白龜實為希有之物因以重價購得血半生金錢百貫雖連城之寶不我易也聞者咸謂甲有龜癖按秀水楊利叔先生生平酷嗜龜凡書畫款及私印皆曰老龜迨年五十預置一棺自題其上曰龜巢今甲之嗜龜殆亦竊慕楊先生之遺風歟

詳述金陵拿獲會匪正法情形

○從前惟起岷江迄吳淞有尋老會名目近則新羅閩廣已積重難返而貽患亦遂不可問推原其故實緣凱撤者多不得如東山零雨之思歸未免流於亡命以此會始亦以此會終由是人人指哥老會謂皆可殺矣七月廿七日夜過半忽有洋鎗隊多名由江甯府擁一人出趨篋市橋梟首聞係會匪之渠魁時已夜深居民未眠驚驚燈執途人而問之也然其機密則為向所未聞越日始悉殺者湘人楊姓官職保至都司擊眷僑寓花牌樓之小營前緣前日大雨有兩避雨者躡簷下睨色已動楊怪其久不去問之則以無所歸對楊憫其窮各餉以飯飯畢兩人乃出囊中物以報一飯之德楊更稍給其值詎旋被破案上元縣差役同詣起械時楊心出羞役見楊妻弱息可欺便肆毆前搜其篋篋地有旗幟等物為賭役所瞥見拾而藏之袖正喧嘩聞楊適歸遂與差交毆差即乘勢擄楊走既見官呈出所拾之旗幟楊語塞陳大令叱上火刑楊厲聲曰士可殺而不可辱大丈夫不效兒女子自供可也乃供出在金陵結納已十年已在會中次序第六其長曰老冒近已在廣東拿獲被殺其餘在某府州縣言之不諱陳大令立即帶同差役詣所居處抄出圖記一方恍惚印章大小又往來信札數十函又會中姓名簿一本密行工格內載某為刀筆吏某為屠酈兒某受一匯種茶某兩樂刺船皆注明年貌籍貫所為何業或正某方稱雄長與否一目了然惟有一種人昔為俯出胯下之韓信而今建旗鼓昔為織曲為業之周勃而今操刀刀若是若非令人怪老子與韓非同傳聞所以且斥其妄答以升沈所致無戲言陳大令一一持實即帶上府請府太尊逐加研訊而驗禁物楊供如前江甯府以事關重大又閱不載姓名之信稱於八月初六日來會金陵語殊狂悖非實夜上院恭請 王命則靈延時日難保不謠言四起遂立赴督轅將案情備物分晰明白函稟官保會官保知若輩大妄為必有趁蒲輪北上挾淪落異鄉為詞煽惑眾聽者正擬令中軍傳諭官幕兩途早自量力毋令鄧禹笑人江甯府以此案上陳因拔令箭一枝交江甯府立即稟示不動聲色渠魁授首反側潛消七月杪地藏王既期庵在清涼山麓留俗於前一日即傾城上山進香無論男婦老幼一家彼此輪替總以三日內得跪蒲團上一拜便一歲無災無難因此人山人海甲於各香市是日忽謠傳廿八日男婦有進香者當遺六丁六甲斃其首供動街巷莫詰由來向例鳴山已有人行及是天將曙猶稀稀走者迫聞楊已正法不覺人人膽壯且自笑適來之何其愚消思未萌李太尊真不愧江左魯夷吾矣或曰楊臨刑時頗足自恨則誦出師未捷身先死常使英雄淚滿襟之句謂庸奴誤我時辦不知且夕舛時自六夜即正不知兇橫者自視為何如人也本日已就花牌樓之石足路旁豎一桿懸首於其上俾往來者知罪在不宥如此

官場要電 ○天津電報云出使德意奧等國大臣洪文卿星使秉節抵津後即於本月初一日率同隨員僕從等人乘海定輪船鼓輪至滬遠水浮仙棹寒星伴使車輿外傳而宣 國威不禁於星使望之矣至粵兩江總督南洋通商大臣裕壽山制軍則已擇定海晏輪船於初二日乘之南下云

粵東紀事 ○南韶連道華祝三觀察將進京引 見交卸後尚未起程而署任益觀察旋即病故華觀察作函來省商請藩憲略云益觀察身後蕭條一貧如洗其家屬無力扶柩回旗情堪憫所遺道署可否暫委韶州府守兼行護理道署應得款項撥交其家屬收領俾得有力回旗等語藩憲即以此意轉商兩院憲已邀允准華觀察周郵備僚恩誼兼盡九原有知能無衝感○越華越秀羊城各書院監院均以眾望未孚慎行辭退潘憲札委梁廣文耀衣接管越華陳廣文宗佩接管粵秀梁廣文居質接管羊城廣文等奉札後同於前日接鈐視事○澳門葡葡牙國人與香山縣民爭執地界吳清卿中丞親往履勘回省後將一切情形與張香濤制軍熟商擬於香澳交界處設廠一所以杜葡人侵佔○關憲增權使性極慈祥和寬大於整頓稅務之中仍寓體恤商人之意感其德者幾於口碑載道現以瓜代有人行將離任商人於日前恭送牌傘扇類以頌德政使謙讓再三然後領受弁款以茶食盡歡而散○調署碭石鎮總兵劉軍門永福調補南雄協副將劉副戎志仁于七月廿二日起程赴任部下兵弁及四營將官均赴河干如禮恭送○海關武巡捕周守戎文彪黃千戎德現屆期滿制軍札委何承清黃恩爵兩守戎前往瓜代○新 授雲南提督馮萃亭官保因公晉省憲舟已抵龍門廿二日善後局派官輪兩艘出境迎迓○各鄉渡船前稟准府憲用火輪拖帶以期迅速人皆稱便而制軍查得外洋火輪向無走運內河明文因而禁止現制軍以餉項支絀如有渡船願用火輪拖帶者許赴洋務處報明給以執照每照限一年為期繳回餉銀一千兩以資挹注

京報選錄 ○頭品頂戴河南巡撫臣邊寶泉跪 奏為特參處決秋審較犯誤行處斬員弁請 旨交部議處恭摺仰祈 聖鑒事竊據臨漳縣知縣徐本立稟稱光緒十二年十一月二十日奉文處決秋審情實較犯張羊仔一名遵即會同臨漳汛千總王廷揚監提張羊仔押赴市曹不意刑兵丁孫坤飲醉誤將該犯處斬等情臣恐有捏飾別情飭提兵役人等來省發交開封府訊與該縣所報相符正核辦聞又據該縣徐本立稟稱孫坤誤斬係弁王廷揚喝令處斬所致等語復提王廷揚到省發該府集訊實係孫坤飲醉誤斬該弁並無喝令情事將孫坤比例擬杖由署臬司鞠捷昌會同藩司鞠瑞祺審明會詳前來查監刑係該縣專責乃營兵誤斬尚不引咎復敢砌詞實陳查存推諉該弁不能認真監視致所轄兵丁誤行處斬均非尋常玩忽可比相應請 旨將臨漳縣知縣徐本立臨漳汛千總王廷揚交部分別議處以示懲儆除供卷咨部外理合具陳伏乞 皇太后 皇上聖鑒訓示謹 奏奉 硃批另有旨欽此 ○頭品頂戴河道總督奴才覺羅成孚跪 奏為查明本年五月分各湖存水尺寸謹繕清單恭摺仰祈 聖鑒事竊查光緒十九年六月內欽奉 上諭湖水所收尺寸每月查開清單具奏一次等因欽此所有本年閏四月分湖水尺寸業經繕單具奏在案茲據運河道陸仁禮將五月分各湖存水尺寸稟報前來奴才查徵山湖定誌收水在一丈四尺以內因豐工漫水瀟注量驗湖底積受新淤不敷濟運奏准加收一尺以誌撻存水一丈五尺為度本年閏四月分存水九尺八寸五月內消水四寸實存水九尺四寸較上年五月水大二尺三寸此外馬場一湖長水二寸其餘昭陽等六湖消水四寸及七寸並九寸計昭陽湖存水三尺二寸南陽湖存水三尺四寸南旺湖存水二尺九寸獨山湖存水三尺八寸馬場湖存水 尺二寸獨山湖存水五尺七寸馬場湖存水四尺六寸以上各湖存水尺寸比較上年五月分昭陽南陽南旺獨山湖四湖存水大一寸及二尺五寸馬場獨山湖三湖小一寸及七寸並二尺七寸查五月間漕船行至運河應屬淤上縣境正值天時亢旱汶源微弱運河之水不敷浮送當經嚴飭司湖廳汛關員等酌放蜀山馬踏等湖接濟並倒壩托送甫得連橋北上嗣屆庚休運河一帶雖得雨澤來源較旺而各湖所進之水仍因 晒風瀾酌放濟運通盤核計率皆不敷所出稍見消落聞有略報增長現已節交大暑大雨時行山泉可期暢旺奴才仍當督飭道廳汛關員乘時收蓄不任消滴旁洩以濟回空而查明歲漕運以仰副 聖主廣蓄湖濬利濟漕運之至意所有五月分各湖存水尺寸謹繕清單恭摺具陳伏乞 皇太后 皇上聖鑒 奏奉 硃批工部知道單併發欽此 ○護理江西巡撫布政使臣李嘉樂跪 奏為江西省辦理光緒十二年分兵米奏銷案內經徵接徵限內限外御事未完一分以上各員名遵照新章列清單恭摺仰祈 聖鑒事竊前准戶部咨具奏時事艱難亟應籌備餉需一摺光緒六年正月二十五日奉 上諭戶部奏籌餉需一摺該部所請嚴核各項奏銷係為裕餉源除積弊起見著照所議辦理等因欽此計原奏條敘內開嚴核各項奏銷應請以此次奉准後所有錢糧奏銷各依定限令各該督撫一面具題一面先將未完一分以上各員名開具簡明清單專摺 奏報由部核定處分先行嚴奏仍各於題本內將業經具奏各員聲明備核聞有未能依限具題者分此摺摺摺仍應按限入奏其有案具後續完者准其續行稟請歸本案開復此外鹽課漕項凡經手錢糧各報銷有關違分者一律照此辦理庶幾人員知所儆懼項不致虛懸又於光緒十二年十二月內准戶部咨議覆光緒十一年分兵米奏銷案內經徵接徵未完一分以上各員以單開各員並未分晰經徵接限內限外御事亦未將節年未完錢糧分數開列嗣後該省兵米奏報務照地丁奏報格式一律辦理其未完一分以上各職名亦務於次年五月限內開單奏報各等因轉行遵照在案茲據署布政使瑞璋詳准署糧道長祿移稱光緒十二年分兵米奏銷案內經徵接徵限內限外御

五月限內開單奏報各等因轉行遵照在案茲據署布政使瑞璋詳准署糧道長祿移稱光緒十二年分兵米奏銷案內經徵接徵限內限外御

事未完一分以上州縣正署各職名詳請奏報前隨案聲明應請節年未完各員分數職名一時萬難彙案開造實錄年分過多員名不少冊頁紛煩勾稽匪易且與本屆奏銷初參奏報分數限期例章程形迥別應請從緩容俟確查例章分年查造專案另行辦理等情前來臣覆核無異謹遵新章將光緒二十二年兵米奏銷案內經徵接徵限內限外節事未完一分以上各員名開列簡明清單恭呈 御覽除將揭帖咨送戶部外理合附片具陳伏乞 皇太后 皇上聖鑒再此案據該署藩司於五月二十五日詳到臣於五月二十九日出奏合併陳明謹 奏奉 硃批戶部議奏單併發欽此

承頂告白
○啟者本坡中街第三十四號門牌福源號原日合夥係作葉排公司生理開張有年甚業鞏固現因股夥志欲別圖擬作分拆是以於本年六月終止截全請公親秉正即將全盤生理核算明白各執允中而舊股夥願將子母銀項領去清楚其福源號概歸與吳新科承受自受之後即將福源號生理遷移源順街第二十一號門牌德源內仍是作為福源字號生理所有舊底與各 寶號來往交易賬目倘有較轉等情祈即移 玉至德源向福源理處庶經清自分葛藤得直謹此佈告亦以各昭信誠而存古道云爾此佈
大清光緒十三年八月二十五日 大英一千八百八十七年十月十一號 承受福源號吳新科敬啟

玉皇殿落成
○啟者芳林巴虱頂所建之 玉皇殿係庚供 玉皇上帝及諸天君之所殿宇業已落成曾經開光安座以備諸善信參拜凡我坡中及中國各籍人等有誠心往祭 玉皇上帝及諸天君者無論何時均可到殿參拜俾得善緣廣結福地同登有厚望焉
大清光緒十三年丁亥八月二十五日 章苑生謹啟

車尼釐馬戲告白
○啟者本班所演各式戲劇色色從新并有馬騾獅象虎豹等均能教練馴熟用之演劇奇妙異常前曾在本坡開演業蒙 諸君獎譽良深近年遨遊四方現已於十九日由香港啟行來晚計程於廿四日禮拜一即能抵埠旋在陞旗山下拓地開場以備諸君子惠臨觀玩是即當再行通佈先此預聞
大英一千八百八十七年七月六號 車尼釐馬戲班謹啟

召頂告白
○啟者本號所有貨物並一切家器等件均欲出頂與人 諸親友倘有合意承頂者請祈移玉面酌謹此告達
大清光緒十三年丁亥八月十九日 十八間後恒和祥謹啟

烟土出沽
○啟者茲本號存有第九帶鴉牙烟土一百箱並有第十帶之烟土浮水一百箱茲欲出售於人價甚相宜 諸君有合意者請即 惠臨購買可也
大清光緒十三年丁亥八月十四日 舊巴虱益昌號 劉壬寅 劉傳祿同啟

贈送陰疫藥散
○近來叻地陰疫盛行患此症者上吐下瀉或瀉而不吐腹或微痛或不痛初起不過四股疲倦未幾即遍身發冷自汗淋漓面自唇青其脈或微弱或沉遲甚則轉筋吐沫患此者最危最急倘失醫治不過時許遂即殞命良足悼也今叻地患此症而死者實繁有徒余惻然憫之乃詳究氣運之陰陽察合病情之表裏嚴搜藥物虔配君臣用治陰疫凡經服者無不獲痊故特製此贈送於人非敢邀天之功而延己之譽也實不忍蒼生罹斯浩劫故為是舉以冀挽回於萬一耳但余一人之力薄所製無多倘好善 諸君欲拯蒼生者不妨來問此方庶為製造是亦無量之功德倘 諸君有患此者可到本館賬房內領取此散不受分文但須與上所列之症有合而後可服勿亂投也
大清光緒十三年丁亥八月初一日 叻報館內葉季允謹識

勝汪錫礦有限公司招股告白

啟者本公司之開設專在勝汪等處開採錫礦為業計集老本銀一十二萬五千元分作六千二百五十股每股老本銀二十元實而認股之加討股份每份先交壓股銀二元派定股份之後每股再交銀四元嗣至西本年十二月一號再交銀二元明二月一號再交銀二元計共十元所餘十元則至本公司需用之時先一月預為通知然後集取但每次收取每股不過二元半為止不致多取也茲本公司已舉定董事諸君為 狀師黎奕申 不巴簡來那洋行東主蘇士 賈略洋行東主淡申 牙直星洋行東主牙刺士 李君慶 葉君觀勝等及 管理銀項出入人馬堅代即有利銀行 代理狀師列士駿美申 查夥數目人下力山打而音蘇顏 駐叻代理人賈略洋行 諸君有欲取股份者於西本年十月一號禮拜六日上午以前將股份票投交本公司以憑酌奪至於壓股之銀可交有利銀行代貯所有討股格式紙以及章程之章程小引可向列士黎美申狀師或代理人賈略洋行取閱便得至本公司寫字樓現設在土庫後第五號門牌 諸君惠教希 垂注
大英一千八百八十七年八月廿七號 勝汪錫礦有限公司謹啟

